

Evropa quatuor terræ partium quamuis minima, reliquis tamen cū hominum frequentia, tum etiam fertilitate, si non superior, certè æqualis, cumque optimis comparanda, vtpote populofissima & cultissima. Siue etiam terræ excellentiam metiri placeat, vel ex sua, ad animalium & in primis hominis vitam sustentandam ac fouendam commoditate, certè modis omnibus principatum tenere videbitur Europa, quippe cum felix prouentu rerum omnium, cum ad vitam sustentandam, tum tutandam contra morbos, herbas ferens medicas omnis generis, fructuum variorum suauissimorumque gaudens abundantia, vini frumentique copia, cū & ea quæ delicatiorem quoque iuuant vitam, abundè suppeditat, vt nil eorum quod desiderari possit humanis vībus, ab alijs petendum sit: nisi quis gemmarum aut arotatum nil in ea nasci obijciat, neque tamen is negabit compensari rerum earum penuriam, aliarum cùm non minus vtilium, tum quibus harum vice recte vti liceat, copia & abundantia. Aëre cceloqué vt plurimū fruitur temperatissimo ac clementissimo. Verùm sit certè magis felix, vel India, vel Africa, prouentu rerum ad delicatiorem vitam desideratarum (quod vix persuasum habeo) non tamen ideo terra Istæ videbitur huic præferendæ, eò quòd non metienda videtur terrarum excellentia, vts filium in eis copia, sed vtentium (propter quos illa creata sunt) frequentia. Est Asia magna, vastaque, habitatores pauci. Africa quamuis paulò minor, Europam tamen in triplo excedit, habitatorum verò huius illa vix habet partem medium; ita vt verius à terra habeatur. Atque hoc ipsum harum inopiae argumentum magnum (hoc maximè tempore) quo nullum, vel minima fertilitate præditum, solum incultum maneat: quod Riphæi Alpesque montes perpetuis niuibus albicantes, verum tamen habitati, abundè fatis testatum faciunt. Asia verò Africæque magnæ & vastæ solitudines, animantium viæ nulla in parte seruientes, ex Solis ardoribus arenis tectæ, squalentes agri, sordidiisque, vt visentibus etiæ horrorem incutiant: At hæc Europa, parua quidem, cultissima tamè & populofissima, qua in parte sola etiam totam seu Asiam, seu Africam excedit, nitens, totaque habitata, præterquam in exigua parte, quæ ob frigoris iniuriam vix aut ægrè habitari potest, populos gignens, pugnaces, fortisque agrorum & vrbium cultores: legibus benè constitutas Respublicas tenens, fructuum optimorum feracissima, matalla etiam seu minæralia omnia habens, pecudum mitium ditissima, cum & serarum non minus vtilium alat copiam, nocuaramque raritatem iactet. Incolæ ingenio semper acri, animoque forti sunt & fuerunt, vt sapientius his animi & corporis dotibus totum imperio suo Mundum subdiderint: & fatale ipsis esse videatur, reliquis terræ partibus imperare: vt ex fortissimè Alexandri Magni rebus gestis apparet, imprimis tamen Romanorū. Atque hodierno etiam tempore videmus, longissimè remotas terras à plerisque nostris Regibus & Principibus teneri gubernari. Hanc autem Europam hodie vulgo Imperium Romanum. frequentius autem (quod etiam latius patet) Christianissimum vel Christianatum, siue Orbem Christianum vocitare solemus: quamuis (proh dolor) plurimis in locis, Turcarum crudeli vastatione, penitus extirpata sit fides Christiana. Terminos autem huius Europæ, eiusque amplitudinem, quot, quæ & quanta Regna, ducatus, Comitatus, &c. Complectatur superfluum hic enarrare ducimus: illa enim typus adiectus ob oculos nobis ponet. hæc autem ex sequentibus tabulis, quæ singulæ membra sunt huius Europæ, apparebunt. Europa tamen unde hoc nomen acceperit, quisue eius autor extiterit, à nullo mortalium compertum est: nisi quod dicimus ab Eu-



ropa Agenoris Phœnicum Regis filia nomen accepisse Regionem, nec antè, sicut cætas nomen habuisse. occasio autem nominis hæc erat: Cùm Mercurius iussu patris in Phœniciam transgressus esset, vt armenta illius regionis ad littus compelleret, Iupiter in Taurum conuersus est: qui cùm se iuuencis Agenoris Regis immiscuisset, in amorem sui spaciantes in arena virgines consistere coēgit, ac paulatim ad singulas alludens, nouissimè Europam Agenoris filiam, cuins amore perculsus auerterat figuram, insidentem sibi tergo per mare in Insulam Cretam detulit, ibique concubitu eius fructus est. de quo prolixius Naso ad finem libr. 2. Metamorphoseos. In quinto autem Fastorum hac de re sic loquitur:

Idibus ora prior stellantia tollere Taurum
Indicat: huic signo fabula nota subest.
Prabuit ut taurus Tyria sua terga puer
Iupiter, & falsa cornua fronte tulit:
Illa iubam dextra, laua retinebat amictum,
Et timor ipse noui causa decoris erat.
Aura sinus implet, flauos mouet aura capillos.
Sidoni sic fueras conspicienda Ioui,
Sape puellares subduxit ab aquore plantas,
Et metuit tactus afflentis aquæ.
Sape Deus prudens tergum demittit in yndas,
Hære at ut collo fortius illa suo.
Litteribus tactus stabat sine cornibus yllis
Iupiter, inque Deum de boue versus erat.
Tauru init Calum: te Sidoni Iupiter implet:
Parsque tuum terra tercia nomen habet.

Occasio certè fabula secundum Mythologos hæc est, quod Cretæ Rex Iupiter raptam Europam in Sidonio littore, navi cui Tauri nomen erat, in Cretam Regnum suū abduxerit. est enim non minus familiare nauibus quam domibus sua tribuere nomina, præsertim apud maritimos. Quod ad magnitudinem eius, habet tota hæc pars in longitudine, quæ computatur à maritimis Lusitanis, ut potè ab Vlissibona Constantinopolim ad extrema usque Græciæ, millaria Germanica circiter sexcenta, ac totidem ferè in latitudine, ubi est latissima, puta ab insula Sicilia in Schrickfinniam usque extrema regionum Septentrionalium.

